

于湖居士文集

化國書館

kuahua library



開化圖書館

Kaishwa Library



開化圖書館

Kaishua library



開化圖書館

Kaishua library



于湖居士文集卷第十九

內制

戒諭將臣詔

朕若稽燕謀寶用儉德駕鼓車以走馬示  
輟游田之娛集書囊爲殿惟蓋先躬朴之  
務至於耳目之玩口腹之珍非甲令之常  
共雖一毫而莫取欲使表端而影正風流  
而令行化貪婪哀刻之徒爲禮義廉耻之  
俗而朕行未足以厲世威弗嚴於訓姦乃  
茲內外之臣尚狃故常之習乾沒無藝誅



求靡厭遂令軍旅之間猶須餽賂之致剥  
士卒之膏血充權貴之苞苴使彼抱飢寒  
之憂而此供宴樂之費有爲若是於汝安  
乎當亟寘於典刑尚申加於告戒繼今以  
往令出惟行其聽朕言各循汝守任將帥  
者無市恩以貨賄第令戈甲之精居左右  
者宜律已以憲章皆知簠簋之飾儻不悛  
而慢命將無赦而必誅各迪保身之明勿  
貽噬臍之悔

又



朕祗若慈闈覃思邊事靡憚焦勞之極欲  
臻康靖之期往者披輿地之圖愴中原之  
俗皆吾赤子何忍誅夷申飭使輶往脩邦  
聘而金國都元帥僕散忠義怙不臣之惡  
挾震主之威禮繫行人拘之圜土旣脅降  
之不可即顛命而遣還揆彼政之如斯繫  
不亡而何待但以並邊之戍行役彌年風  
霜凌厲而朕方席廣夏之居藜藿不充而  
朕則享太官之膳所以當饋而歎未明求  
衣朕身在九重之中而心留窮塞之上欲



馳單騎躬勞六師撫摩瘡痍均服勞苦而  
百辟卿士發言盈廷止或尼之莫孚朕指  
爰命丞相敬代朕行夫佳兵者不祥好生  
者大德朕豈忍以一時之憤而遂忽長世  
之撫當謹守於封疆益繕脩於兵械使士  
忘露宿之苦而將有死綏之心恃有待而  
不來寧貪功而起釁儻穹昊之悔禍則蕩  
定之有時咨爾庶方咸體茲意

太上皇帝本命青詞

丕承聖緒祇奉慈顏當元命之臨辰有珍



符之錫羨爰披寶笈恭扣叢霄願鑒寧親  
之誠益聞受帝之祉

朱表

馳誠霄極衍慶慈闈祗荷博臨告成釐事  
無疆之壽永承 太上之休有道之長更  
增 皇宋之曆

外制

沈該落職制

君人臨照百官蓋欲其精白以承休德宰  
輔儀刑四海豈宜以寵利而居成功醫系予



既老之臣自喪不貪之寶其還顯秩用厭  
師虞具官某頃以藩條擢聞機政惟人求  
舊謂文武可以憲邦秉國之均何風采不  
如治郡朕猶虛已日佇告猷精神強而折  
衝未聞宏略血氣衰而戒得似減廉穀既  
已乖鼎鼐之調始欲掛衣冠而去雖曲全  
於體貌乃荐致於抨彈其鑄秘殿之華俾  
即安車之佚噫君子慎始防嫌疑於未然  
貴臣抵辜尚遷就而爲諱慨往愆之莫拯  
期晚節以自全



沈調落職降官制

舜賓世族冒賄有四凶之流商制官刑徇  
貪謹十愆之戒疇時民蠹尚佚邗誅且官  
某素無廉稱竊造邇列過而或改謂且收  
之桑榆老以益貪殆弗盈於溪壑永念七  
閩之都會不堪再歲之誅求質遷欲盡於  
毫釐吞噬不遺於膏血姦賊狼籍公論沸  
騰慨而同氣之私姑貫投荒之罰亟鑄美  
職併奪崇階其祗服於隆寬尚少懲於往

謬



陳誠之降官制

懷歸有畏於簡書恩始從於均佚試可弗  
成於績用罰難追於黜幽既辜體貌之私  
宜在譴何之域具官某始由科第寢陟邇  
聯意其簡默而不言則亦深沉而可用擢  
持兵柄游閱歲華退食自公宜赴功而樂  
事括囊無譽第持祿以保躬逮庶務之稍  
繁即抗言而請去彈章既上寵數宜鑄噫  
為祈父之瓜牙初期陳力視秦人之肥瘠  
良負虛懷服此寬洪無忘循省



陳靖轉遙郡承宣使制

王宮之官朝夕勤事積而至於三年之久  
可無褒哉具官某明敏忠恪服在此位稽  
日第勞是應遷法夫自刺史而上皆武著  
之高選雖喻其祿苟非尤恩不以叙進况  
承流宣化名秩益顯尚思稱塞無或不祗

錢愷降授舒州觀察使宮觀制

昭德塞違國自貴近始厲名砥節士以廉  
耻張豈予肺腑之懿親乃為龍斷之賤行  
此而可貫後復何懲昭化軍承宣使錢愷



曹出勳門慶承主第雖武爵是龍衣亦俎豆  
之常聞而市道自居致簠簋之不飾欲爾  
私藏之富墮予軍政之嚴考核具陳聽聞  
實駭其上承流之秩仍鑄奉謁之儀往即  
外祠姑惟薄罰

蔣璨降官制

朕惡人之欺而盡下以恕過誤觸罪則當  
自歸詆譖遂非其可亡罰具官某服在禁  
路出臨輔藩見謂老成亦所倚信乃吏姦  
之不察致臺劾之上聞深惟失職之愆姑



往賜書之問弗務兢懼更爲誕謾詭陳隨  
伏之言前易刻章之日作僞之拙欲蓋而  
彰聊從一秩之鑄尚屈常刑之舉服予寬  
典新爾後圖

謝伋徐康降官制

部刺史檢吏姦職也汝屬縣令亡狀致吾  
御史以爲言汝失職已命汝自列庶或懲  
後不務引過更肆誕謾誰爲若謀謬戾如  
此鑄官一列尚服寬恩

韓元吉除度支郎中制



具官某度支之職前世以宰相兼之蓋發  
斂均節輕重取予於是乎在今名存而實  
廢矣視券牘之成謹其數出納之而已爾  
名臣之世率義好脩淹貫文藝綜練世故  
攝司之久肆以命爾其爲朕思所以振其  
職者

馮巽之除刑部郎官制

具官某獄重事也獄成而罪疑則上之於  
朝而刑曹郎參決而死生之其不可輕付  
如此爾以明法稱於文無害使在茲位孰



曰不宜益務詳審以振而職

晁公武除監察御史制

御史府寄朕耳目苟非其人不在茲選爾  
學有本原才可經濟萬里來朝朕蓋得之  
於一見之初小試粉省彌有華問冠豸在  
列肅我天憲朕所親擢爾往欽哉

呂措除司農寺丞制

具官某惟爾先正有大勲勞在王室朕顧  
懷其世思有以嘉報之而爾亦自將其身  
蹈履繩檢擢丞農扈以試爾能益務祗恪



庸稱恩遇

查籥除夔州路運判制

蜀自兵興困於征調夔子之國地境墮而  
民尤貧朕思得賢使者以撫之爾文學議  
論見推時輩久在近服宜知朕指將輸之  
任輟汝以行往其布宣朕不遐棄

黃仁榮除兩浙路運副制

畿內漕視他路選尤重爾以通才婁更煩  
使輟自泉府使服故官往其欽哉嗣有褒  
擢



張德遠除利州路提刑制

具官某蜀去朝廷遠治獄之吏或不得其  
平民且無告爾久更事任見謂明審其為  
朕典一道祥刑之寄惟公其心以察郡縣  
使毋濫繫毋賄成毋上下其手則汝為稱  
職

葉謙亨除浙西提刑制

部使者之在畿甸歲時朝集得以其職自  
達于上視中都官蓋等耳爾嘗執簡柱下  
掌誥西掖出治劇郡即有能稱按刑江東



獄不寃濫徒以自近宜知朕指佇爾來廷  
將有褒陟

韓彥直除淮東提舉制

惟爾先世有大勲勞在王室朕顧懷其後  
思有以褒報之而丞相亦言爾才可錄也  
淮東煮鹽之利供國用什三命汝以使者  
節臨之其體朕意思振厥職

曹紱除湖北提舉制

爾守近郡有循良之譽朕念湖外之民勞  
苦兵事故付汝以使者節往撫綏之其體



朕懷勿解于位

陳漢除直寶文閣知平江府制

平江吾股肱郡遴選所付必惟其人爾忠  
厚明敏所至辦治將輸畿甸成績可紀其  
還使者之節遂縮太守之章寶儲進直併  
示優寵尚體予意務安輯之

孫佑追復直徽猷閣制

朕中興之初繫汝為良二千石所臨底績  
所去見思据正不回坐諂一本作是以免殛身

久矣風槩凜然有懷不忘肆俾甄叙延閣



寓直追加密章錄其遺孤用勸忠力

任盡言除直秘閣江淮都督府參

### 議官制

具官某朕命相臣以幕府臨邊凡其自從  
皆天下之選爾忠直強明克承厥家所居  
之官聲績較著必能為朕協贊元老延閣  
寓直庸寵爾行尚堅一心益固吾圉

### 趙不溢降官制

具官某朕惡士大夫便文自營婁下告戒  
又嘗逐二使者一藩臣庶其知革今汝持



又嘗逐二使者一其藩臣庶其知革今汝持  
節所在守不稱職閱時之久而汝弗言逮  
同列之有云姑騰章而飾過察州如此不  
黜何為聊奪一官尚祇輕典

王漢臣李大授轉官制

朕褒錄勤瘁遠臣不以廢也况周旋殿陛  
贊予朝覲會同之儀而司其籍者哉爾漢  
臣練習而䟽通爾大援周慎而明敏均以  
積閱協于遷令廉車刺部隃賦爾秩是為  
茂渥尚克欽承

能說轉官制



周官歲終則稽暨之事上下之以制其食  
况汝服勤宗邸七年其久全而不失是可  
嘉已遷官一等以答汝能

正任防禦使刺史通侍大夫至右武  
大夫帶遙郡同加封父母制

父

具官某父某朕惟東朝方迪遐壽誕推渥  
澤爰暨人親爾善積于躬有子滋貴服予  
武著實應恩章載侈新封俾陞官簿益綏  
福祉庸荷寵光



福祉庸荷寵光

母

具官某母某氏朕承顏東朝以天下養樂人之有壽母有以表異之肆因八秩之慶茂暢恩典爾慈懿淑謹有子在官宣勞武階獲際休事申賜命綍榮其家庭往祇令名益介遐祉

橫行副使及武功大夫至修武郎

父加封制

具官某父某朕惟東朝壽祉以幸天下惟爾有子服予武階進汝一官用廣孝治尚



祇譽命往迪吉康

宗室橫行至正任防禦使父母加封制

父

朕元日詔書蓋推東朝慶祉均暨天下矧  
予肺腑之戚也哉爾神明之支克自謹畏  
乃其子姓服我近班肆稽恩章俾進右秩  
尚其祇服茂迪遐壽

母

朕惟東朝之壽方迪無疆誕舉慶條以暨  
人老豈予族姓之母可稽脂澤之賜爾曹



自華閱嬪于天支有子在官宜賁新渥往  
祇命服之寵益承燕喜之譽

懷安軍惠應廟昭佑侯可封昭佑  
靈濟侯制

爾神父子有廟西土能赫厥靈袂除菑凶  
朕蓋嘗錫之侯爵矣今部刺史又上其事  
申以顯號於侯何愛

昭佑侯子靈助侯可封靈助順成  
侯制

朕念蜀遠凡蜀之吏有功於吾民皆有以



表異之於神獨不然哉增貢嘉名益侈而  
施

佐神安仲吉可封通濟侯制

爾神侑食惠應能贊而長以休吾民五等  
之爵侯位在二又有美號焉朕之報神亦  
已豐矣

采石巡檢時宣訊民致死降官制  
汝職徼巡而民以掠死雖匪其私顧可弗  
懲褫官一列尚謹而後

勝捷都虞候謝鼎換從義郎制



汝服勤戎服既有年所其還軍候往郎官  
聯

都虞候姚元換授制

爾服在戎行多歷年所其還候禦易寘武  
階

潘得臣男汝楫補官制

爾父為吏死寇朕既厚恤典又錄其孤所  
以報也勉哉惟孝惟忠則爾父益有顯休  
張建陣亡與子德普恩澤補承信  
郎制



爾父死於敵錄爾以官所以報也往哉惟  
孝惟忠以顯父休

王漢臣米綱折欠違程降官制

汝護貢輸乃敢不虔宿留道涂折閱什二  
其還一秩姑示薄懲

樂寅孫李抃趙達不覺察過淮人

降官制

疆場之守朕所致慎爾等為吏乃或不虔  
其鑄一官以厲餘者

楊慶祖李大正循資制



朕惟三歲之祀業鉅事襲前期設官是俾  
典治爾以才選服勞采時殆茲告成厥有  
褒進

張俊彥循資制

顯仁之喪爾與有勞其進文階益務共恪

田漑轉官制

爾捐家貲以佐國用揆之古義何愛一官

劉嗣立吳懌進書賞轉官制

先帝信書之成汝輩共勞其間可無褒哉

進書賞人吏等轉官制



屬命諸儒輯成大典汝嘗服役亦俾進官

于湖居士文集卷第十九

開化園



于湖居士文集卷第二十

表

賀太上皇帝遜位表

斷自聖意協于天心振古所無率土同慶  
中賀臣聞為天子父寔倉皇蜀道之歸尊  
太上皇帝亦草昧漢邦之始未有躬致垂衣  
之治而獨心懷脫屣之高恭惟

太上皇帝陛下道極化元功超象外巍巍  
蕩蕩繇艱難馴致於中興汲汲皇皇在底  
定弗忘於無逸蓋天度聿追於藝祖而



深仁壹似於唐堯當乾德之方剛體離明  
而繼照臣欽承謨訓結戀恩私五日起居  
莫預清班之列萬年壽考但蘄神筴之增

賀今上皇帝登極表

星輝海潤方肇啓於青宮地闢天開遂丕  
膺於赤紀有赫聖人之大寶於昭天下之  
至公廟社逾尊華夷均慶中賀臣聞父傳  
於子振古雖然天作之君若今未有載慕  
開基之緒惟新受命之符恭惟

皇帝陛下博厚高明齊莊中正翼翼之心



皇帝陛下博厚高明齊莊中正翼翼異之心  
不已蓋本躬行喁喁之望咸歸殆非人力  
仰 太上復艱難之業付吾君於談笑之  
間十一世而益光邁建武中興之事八百  
年其增卜侈成周過曆之期臣身在侯藩  
精馳觀闕朝五日而善家令胥瞻孝治之  
優復兩京而還上皇更徯大勲之集

賀立皇后表

儷極之尊光于有昔齊家之訓燕及無垠  
日月宣昭神人歡喜中賀臣聞助采盛於  
宗廟茲王化之攸先羞榛棗於舅姑蓋宸



居之未有於若隆興之嘉禮茂承德壽之  
重歡恭惟

皇帝陛下孝始奉親恩兼睦族闕睢之樂  
淑女式圖陰教之修雞鳴而至寢門共致  
色難之養肇典與縟典丕叙彝倫臣嘉與常  
僚具宣明制塗山啓夏方觀萬國之朝大  
妙興周嗣上百男之頌

代摠得居士賀天申節表

珍圖錫羨方隆滋至之休誕月開祥載衍  
無疆之壽照臨所暨舞蹈攸全中賀恭惟



無疆之壽照臨所暨舞蹈攸全中賀恭惟  
皇帝陛下盛德日新至仁天覆齋居節費  
不爲耳目之娛屈已和隣無復甲兵之間  
凡此無爲而保治蓋將守靜以延年臣濫  
職外臺忻逢穀旦夔龍接武阻稱漢殿之  
觴蟻蟲輸誠徒效堯封之祝

代方務德賀回鑿表

靈鋒電掃殲厥渠魁輿衛天旋格于藝祖  
神人歡喜華夏尊安中賀恭惟

皇帝陛下仁配乾坤恩兼南北始結琬圭  
之好欲齊民均蹈於泰和茲親革輅之征



乃黠虜自干於皇略逮訖鯢京之戮亟傳  
龍駕之歸萬里提封將復漢圖之舊百重  
陸載載新兵會之朝臣屬奉清閑獲瞻睟  
穆邊庭賤守莫陪飲至之觴馳道告行企  
望前驅之蹕

謝曆日表

一札十行雖存故事元年正月實拜新書  
景祚有開庶邦咸喜中謝恭惟

皇帝陛下堯仁宅下舜曆在躬大一統以  
當天作其即位定四時而成歲敷厥庶民



肇錫嘉名深詔執事臣敢不布宣上意勸  
相農功舉正於中既謹春秋之法自今以始  
當觀正朔之同

謝曆日表

二年而調玉燭方洽泰和一氣之轉洪鈞  
再放新曆惟朝廷則用故事在郡國實爲  
寵光中謝恭惟

皇帝陛下與天爲徒體道御數協時月正  
日俾民不迷自南北東西遵王之道臣敢  
不建用皇極奉揚仁風于再于三勸百姓



農功之敏時億時萬祝兩宮壽紀之長

賀元正節表

元年正月實春秋謹始之時是日三朝會  
圖籍貢珍之盛肇新繹典益侈閱休中賀  
恭惟

皇帝陛下道本財成誠參化育羣黎百姓  
欣逢治定之期君子小人各適消長之分  
導迎景貺登濟中興臣猥以賤官出守外  
服君門萬里雖迹遠於天朝壽觴九行徒  
夢遊於帝所



代百官賀冬至節表

增泰元之筴益閭受命之符奏黃鍾之宮  
丕應得天之統造庭稱壽率土均釐中賀  
恭惟

皇帝陛下與神爲謀惟皇作極合八能於  
前殿衆建人才書五物於保章用昭歲事  
緝熙景貺敷錫羣生臣等叨列攸司欣逢  
穀旦七日來復方占羲曆之祥萬壽無疆  
願罄堯封之祝

代百官進玉牒成書表



帝系勒鴻燦科條於屬籍聖謨啓佑嚴訓  
典於寶儲御巖廟以觀成拱朝班而稱慶  
中謝竊以堯統漢緒肇派別於天潢周誥  
商盤麗光躔於東壁惟昭穆親踈之有序  
與文章號令之當傳歷時浸闕於編摩甫  
歲悉加於纂緝必親經財幸稽春秋簡牘  
之文故並建殊尤若河洛圖書之出恭惟  
皇帝陛下慶縣景祚志適先猷世茂本支  
襲生民之尊祖道昭歷服成下武之繼文  
考仙宗皆聚此書述遺烈永爲大訓臣等



猥蒙際遇快覩休嘉麟趾振振共仰宗盟  
之益茂虞書渾渾更瞻聖作之相輝

賀冬至節表

品彙慶一陽之復於時是爲仲冬王者會  
萬國之朝其儀亞於獻歲中賀恭惟

皇帝陛下重明麗正躬復考中不動聲顏  
豈止俟陰陽之定純受德教所以同天下  
之心受福惟多知剛方長臣忻逢穀旦屬  
守竹符望帝都千里而遙莫與班行之末  
上吾君萬年之壽不知精爽之馳



代百官賀日蝕陰雲不見表

璿璣占象方虞辰集之差黼坐端躬遂應  
離明之正商雲密護沴氣潛消瑞揭圓精  
慶由宸極中賀竊以日行有節數或戾於  
經躔帝德罔愆誠乃回於穹鑒偉休符之  
昭著知治道之顯融恭惟

皇帝陛下神化文新智輝旁燭容光必照  
聿疑丕冒之功守實不虧坐協寅賓之度  
惟聖時克先天不違臣等服在邇聯與觀  
景貺珍圖疊紀仰開合璧之祥羣目共瞻



景賦珍圖疊紀仰開合璧之祥君手日共瞻  
益勵傾葵之志

進登寶位銀表

受四海之圖方盛官儀之復鑄九金之鼎  
敢忘牧貢之脩悵違執玉之趨祗効來琛  
之獻中謝恭惟

皇帝陛下配天立極如日升明所寶惟賢  
已旁求於壽雋理財以義且蓋貫於通租  
而臣職在剖符禮應奉幣侑稱觴之萬壽  
知芹莠之非珍造文戟之百重慕葵傾而  
徒切所有賀登寶位銀一千兩謹遣妹夫



進士李蟾捧表管押上進冒犯天威臣無任  
代百官謝賜時服表

冬祁寒而惟怨咨過軫聖神之念秋獻裘  
而待斂賜聿嚴典則之常手舞拜嘉筐篚將  
示寵臣等中謝恭惟

皇帝陛下文昭經緯道極彌綸中寶儉茲  
衣弋綈而率下外新制作美黻冕以御朝  
乃眷周行載分齊服臣等恩均在笥德愧  
章身制彼裳衣莫効馳驅之力出於機杼  
當知紅織之難



進奉貢葛奏狀

歛篚織績雖云任土之殊當暑袵絺顧是  
此邦之產備齊官之三服參禹貢之九金  
前件物邊幅非長經緯殊拙垂衣裳而至  
治慚莫效於絲毫美黻冕以致神或見收  
於巾冪謹隨狀詣闕上進以聞

謝除中書舍人表

螭坳秉筆方愧空餐鳳掖代言遽叨親擢  
被身章而滋寵捧誥牘以彌驚懇避莫俞  
省循增懼中謝竊以中書本命令之地舍



人典文字之官學博藝精斯能華國職清  
地近豈可假人蓋有思之敏者未必暢於  
事情詞之工者未必窮於理致問古今則  
高崔互有所得評書詔則常揚各擅所長  
世每歎其才難人亦隨於器使非夫言通  
志慮識達典章絢黼黻之文邃淵源之業  
則何以裁坦明之制居清切之司如臣者  
才不逮人學徒泥古偶玷名於魏第俄策  
足於要津屬內史之久虛俾孤蹤而代匱  
方自虞於顯黜敢有望於爲真忽拜異恩



方自虞於顯點敢有望於爲真忽拜異恩  
祇慙非據此蓋伏遇

皇帝陛下圖回至治綜覈羣工方將藻飾  
於皇猷故必網羅於衆俊雖大公之施不  
間踈微而小已何堪誤膺簡拔臣敢不仰  
承眷渥益勵操修職在絲綸寧有彌縫之  
助事專筆舌敢忘獻納之忠

中書舍人直學士院謝表

右輔分符初無治狀西清掌誥復冒寵除  
更通鰲禁之班還參豹尾之從中謝伏念  
臣空踈不學徼幸入官歲月推遷遂塵清



貫風波浩渺迄致煩言一收朝蹟而歸五  
見律筩之換尋覆蕉之夢驚曩事之皆非  
追視草之遊懼此生之終棄敢圖新渥適  
服故官躡文石以朝趨掣宮鈴而夜直茲  
蓋伏遇

皇帝陛下丕膺舜曆煥緝堯章核名實以  
登俊髦蓋欲去虛文之害躬勤勞而詔機  
務益將恢遠御之圖曾是孤蹤亦叨殊獎  
竊謂今日論思之職豈特平時播告之修  
顧邊瑣之多虞際宗廟筭之靡定必有隨時



制變之策以究折衝禦侮之宜造膝之言  
願極陳而母諱捐軀之誓期永報於不貲  
撫州到任謝表

解荷橐於西清久隔雲霄之望分竹符於  
南紀忽霑雨露之恩惟盛時無終棄之人  
俾下臣有自新之路中謝伏念臣策名最  
晚被眷獨優始由狴犴之餘旋造班聯之  
末驥駟備八鑿之乘何有於駕材駕鴻參  
萬玉之庭更容於鼠技惟特達盡由於親  
擢果迂踈交致於人言俯危迹以屢驚悵



明恩之未報敢期宥過尚俾承流茲蓋伏  
遇

皇帝陛下仁與春融道同天覆建非常之  
策方任賢而使能開大公之門悉除苛而  
解饒乃眷上游之古郡載收散地之羈人  
臣敢不懲沸吹壘飲冰食檠求民之瘼稍  
更珥筆之風勝己之私切謹佩韋之戒祇  
圖來効思蓋往愆

平江府到任謝表

籲天有請願供水菽之勞易地䟽榮復異



願天有請願供水菽之勞易地疏榮復界

繭絲之託仰戴上恩之厚靡容私義之伸  
中謝伏念臣開迹諸生受知太上華涂  
超躡莫匪親除憲府抨彈良由自取會真  
人之御極容偏郡以承流已試無功丐閑  
得劇雖自西徂東周爰執事然以小易大  
是誠何心深懷顛覆之憂或誤甄收之意  
茲蓋伏遇

皇帝陛下聖同 藝祖孝述 光堯廓大  
度以用人欲兼致非常之士攬權綱而在  
已將崇成可大之功曾是棄捐亦叨簡擢



臣謹當布宣盛澤激發懦衷澄瀚海之波  
冀有因人之薄效凝清香之寢敢如平世  
之偷安

潭州謝復次對表

賜以贊書還之次對敢云舊服是謂新恩  
中謝伏念臣智昧一官仕嘗三已江湖遠  
引自怜蹇剝之多雨露均霑獨倚乾坤之  
大茲蓋伏遇

皇帝陛下緝熙聖緒駿發英猷專予奪之  
柄以馭羣工明功過之使以興庶事迺如



孤迹亦預慶條臣敢不祇佩隆私益追往  
咎儻有及民之效則爲報上之忠

代方務德廬州到任謝表

外閫分憂肆敘明命內朝賜對載邇清光  
已見荒郡割殘之餘具言聖主哀矜之意  
中謝伏念臣婁膺劇寄茂著微勞謂孤蹤  
宜在於棄捐而廟論猥煩於推擇屬有負  
薪之疾旣辭輓粟之行逮茲邊瑣之多虞  
復俾帥藩而申命馳驅引道僂佯拜恩細  
札十行亟承於漢詔土階三尺密奉於堯



言軫民之窮則使捐關市之征憫臣之病  
則戒求藥物之善掩骼下度僧之牒振飢  
分貢牧之金獨揆謝能曷勝隆委茲蓋伏  
遇 皇帝陛下至仁惻隱盛德涵容革輅  
徂征已克清於大憝玉關罷警將永洽於  
秦和慨斯鋒鏑之淫夷懼以繭絲而割刻  
故銓冗吏使布寬條臣敢不祇若神謨恪  
恭賤職老於州縣敢圖橫草之功固我封  
陲庶弭搔瓜之怨

于湖居士文集卷第二十



于湖居士文集卷第二十一

啓

代摠得居士上宰相

咎深百適敢逃齋斧之誅恩予再生願廣  
覆盆之照仰止雲龍之會俯彈螻蟻之誠  
伏念某晚學支離殘生寒窶躬耕自足所  
願力田而逢年世祿偶霑本意爲親而捧  
檄孤孽自憐於薄宦廉隅竊慕於前修慮  
捶楚之莫辭實簡書之是畏諸公長者猥  
借齒牙清都太微獲望旒冕退效一官於



塵土投閑二紀於江湖日莫而巾柴車嘗  
躬鄙事秋風之破茅屋安所奠居雖周道  
如砥何有於崎危而秦網凝脂竟罹於羅  
織會 上聖權綱之獨攬貫下臣縲紲之  
非辜綴毀裂之冠裳招散離之鬼鬼冀安  
晚節絕望榮途何負薪之疾未瘳而剖竹  
之符狎至洊拜西州之繁使適當北鄙之  
多虞申命惟行掇辭莫遂念廊廟東知之  
特達且關梁捍禦之閑踈釁已結於搔爪  
備初微於橫草竊厲死封之志遂忘負乘



備初微於橫草竊厲死封之志遂忘忘負乘

之譏李牧之居北邊費軍租而享士營平  
之破羗賊留步卒以屯田盜空狐鼠之羣  
吏戢豺狼之暴周旋兩稔辛苦百爲顧績  
效之未聞亦規模之粗定自嗟激烈人笑  
迂踈果飛謗之交攻致劾書之趨上尚蒙  
觀過俾免所居匪造化之曲成殆生全之  
莫保雨流木偶所念無歸火及池魚又將  
奚咎聚族近盈於千指爲氓不辨於一塵  
疾病侵凌親朋棄絕固已闔門而恐懼尚  
虞投隙以摧傷瀝血摠辭搏膺請命伏望



僕射相公廣好生之德察溢惡之言憫其  
嘗被於使令頗亦服勞於奔走稍援溝中  
之納俾留爨下之焦收父子之餘年歸田  
園於故里况及席搜羅於豪傑欲前籌開  
濟於艱難有如不肖之資既乖已試之效  
儻獲洗滌於既往庶將勸厲於方來九頓  
首以自歸冀垂威聽三折肱而不悔誓報  
隆私

代摠得居士上葉樞密

運璇樞於霄極方恢宏遠之圖馳玉節於



運璇樞於霄極方恢宏遠之圖馳玉節於

戎荒益茂綏懷之略仰止南轅之近莫陪  
前駑之驅輒控緘騰冒干齋斧共惟國信  
樞密德全剛大學貫淵微萬壑長松卓爾  
棟梁之用九金神鼎岌然寶鎮之儲佐王  
夙負於英資憂國粵從於早歲已積公台  
之望浸膺旒宸之知容臺高潤色之功外  
府極轉輸之効朞年上最即日召還橫榻  
憲臺朝有絲繩之直持衡銓部人知水鑑  
之平紬石室之圖書誦露門之簡策豈特  
搢紳之歸重抑惟夷貊之知名亟自南宮



進陪西府方官睿主廣右文之治適殊鄰  
修交聘之儀政須國幹之良往震天驕之  
俗望龍沙而引道馴犬聚以華心何但單  
于識漢相立朝之風采定應回紇懾汾陽  
單騎之威容式時遄歸厥有成績聳聞廷  
告蒲慰具瞻伏念某邊徼微官門闌舊物  
半生憂患嗟老矣以何堪末路棲遲復病  
焉之爲崇婁祈哀於宰路冀得請於仙祠  
茲聞大纛之還寔冀洪鈞之播受塵故里  
儻容孤迹之偷安擊壤明時尚與齊民而



儻容孤迹之偷安擊壤明時尚與齊民而

拜賜

代季父賀湯丞相

大號明敷真儒進拜基命宥密既用予安  
天下之民疇咨登庸蓋論相迺人主之職  
泰階齊色巖石具瞻恭惟僕射相公廣大  
高明溫良恭儉範圍天地之業實蘊蓄於  
平時黼黻河漢之文聊發揮於餘事徧歷  
在廷之清貫屹為斯道之主盟周旋回枉  
之間終始端方之守抗浩浩滔天之勢愈  
厲忠規切惓惓造膝之言願還威斷揭大

百子六  
子明二十一  
四  
之二



明而烜照破積陰之蔽蒙既妙契於宸旒  
將遄歸於政柄姑畀腹心之寄俾專帷幄  
之謀右府本兵懔天威而遠震神樞旋極  
鞏國勢以中嚴萬山瞻鰲鎮之尊一柱障  
鯨波之險庸虛次輔特告昕朝衆志交孚  
覲我公之爰立上心簡在揆剛日以延登  
新風采於巖廊峻冠章於槐位丕建太平  
之業益隆不拔之基某獲侍光躔越從早  
歲方流落棲遲之已甚獨矜憐收拾之不  
遺欣此餘生永歸大造若早作兩抑多方



遺欣此餘生永歸大造若早作兩柳多方

均被於洪休如泥在鈞豈一介獨為之私  
喜

賀湯丞相

誕受冊書進登揆席星樞環極有嚴宥密  
之司帝鼎調元丕正弼諧之任天心克享  
物望交孚洪惟 本朝之興垂二百載粵  
自右府而相才十數人趙中令以創業佐  
命之勲韓侍中以決策尊王之略杜正獻  
間暇清正而裁抑僥倖曾宣靖謹畏周密  
而明習憲章率皆名垂世之日星身為國



之基杖若時英輔光配前人恭惟僕射相  
公才全而德不形功大而心轉小惟虛以  
靜故能應無窮之變而不懾惟寬而栗故  
能處羣枉之間而不回厥惟帷幄運籌之  
初已著股肱惟人之望還主威於笑談之  
頃恢朝綱於紛紜之餘國人曰賢已恨登  
庸之晚大君有命聿瞻爰立之新朝廷由  
是以尊安天下想聞其風采渙號所暨泰  
亨可期有如孝祥厚在恩地大厦成矣當  
容戢翼之歸泰山巋然請効微塵之益竊



容哉翼之歸泰山歸然請効微塵之益竊

謂君相之遇合或繫國家之隆汙有其君  
而臣不足與圖功或當饋而歎息有其臣  
而君不能與共治或環轍以赳起永惟感  
會於一時蓋亦寂寥於千載迺今之盛振  
古未聞 皇上勵至神而詔百官諸賢建  
大功而同休德疆場不聳年穀婁豐儻不  
及茲而有行是將無日而復可惟海內重  
望之所屬此門下素蘊之欲爲母使四公  
得專美於前抑亦永世有甚休之譽

洪帥魏參政



九命作牧。逝瞻帥閫之雄。一廛爲氓。近接宮墻之峻。念昔播大鈞之塊。北乃今依厦屋之幘。蒙恭馳只尺之書。丕承進退之命。伏念某。鄉持末學。輒冒首科。觸宰路之虞。羅陷親庭於狴犴。飈回霧塞。方蔽羣憊。地闢天開。俄登衆輔。乃聖主類郊之二日。辱明公造膝之一言。可但釋纍於詔獄之冤。且復育材於儒館之邃。恩私厚矣。報效缺然。謂當少著於事功。則亦仰疇於知遇。冥行自信。幽黜固宜。奉香火之祠。遄趨並



冥行自信幽黜固宜奉香火之祠遙趨並

塞遡旌麾之府夔隔重江未容望履於和  
門姑欲卜居於德里是所願也敢私布之  
恭惟某官道緝聖傳功熙帝載三能之麗  
天極煌煌列宿之躔四溟之經地維浩浩  
百川之委若稽獨化之始登翊萬微之繁  
凡當時廊廟之所行雖走卒兒童之能誦  
青天白日靡容刻繪之工赤舄袞衣但冀  
旋歸之速方將芘天下之寒士夫豈拒吾  
儕之小人載惟留落之蹤采極依歸之悃  
仰窺宏達必遂矜容開商邦三面之羅已



涵大惠築揚子一區之宅終藉餘休

王樞密

運璇樞於霄極夙瞻命袞之崇分玉鑰於  
神臯今仰建牙之近屬有負薪之疾未脩  
歛版之恭敬徹書函冒干齋斧共惟某官  
功熙帝載道覺民先清介之風凜然表世  
而獨立孝友之行信矣行人之所難竊觀  
聖君簡注之深率由明公誠一之著異寵  
超躋於羣辟斯文冠絕於當時紫誥黃麻  
士知模楷丹心白髮國有菁龜丕釐宥密



士知模楷丹心白髮國有蒼首龜丕整屋宥宥密

之司誕付安危之寄造膝九重之議固遠  
臣莫得而聞捐軀萬里之行雖黠虜亦爲  
之懾方佇登庸之拜俄聞均佚之歸西都  
獨樂之燕居始姑從於雅志安陽畫錦之  
榮事終弗遂於牢辭即故里以開藩護陪  
京而作牧江山震疊父老歡呼小煩尊俎  
之籌益壯盤盂之勢遂膺渙號還陟鼎司  
其一遠台符再周歲紀龍墀奉對首叨特  
達之知螭陛記言更自薦揚之致逮右府  
出疆之日寔西垣去國之時瞻蠲首於江



濱靡容奉謁委鸞戕於天上猶辱貽書自  
憐不肖之軀正在大何之域丹書未削居  
懷夙夜之憂綠野非遙坐阻寒溫之問豈  
謂遷纍之至此會逢碩輔之來臨人謂斯  
何嗟刺骨吹毛之已甚天其或者將息黥  
補劓之可期仰繫大造之仁俯亮危衷之  
切冰魚未躍長依萬頃之澄波巢燕來歸  
寧靳千間之廣廈

代揔得居士上徐勣立

肅持虎節還自龍荒陟老上之庭國威坐



肅持虎節還自龍荒陟老上之庭國威坐

振曳尚書之履天眷彌隆仰繫徒御之勞  
當有神明之助共惟國信尚書學尊一代  
氣蓋諸公大丞相之家風流是似古君子  
之操夷險弗渝方甲兵之問不至廟堂惟  
忠信之人可行蠻貊一星北去三月南歸  
喬木叅天諒切故都之感雪花如席可堪  
胡地之寒茲奉對於清閑即叅華於近密  
其棲遲薄宦景仰壯猶瞻十乘之元戎莫  
遂前塵之拜蔭千間之廣廈知無凌雨之  
憂



淮東漕魏郎中

京輦劾官婁瞻逸軌邊亭奉指迺借餘光  
豈曰爲寮於焉事長伏惟某官氣吞餘子  
學眇諸儒未嘗枉尺以直尋真欲居今而  
行古凜乎一代之名士備更險夷信矣中  
興之吏師所至辨治嗟守闕之虎豹困橫  
江之鱣鯨人謂斯何厭有至公之論天其  
或者將爲大用之基殆聖政之更新借羣  
賢而彙進雙旌引道亟分刺史之符一節  
趨歸即覆郎官之錦簡注采厚寵靈游臻



陞內閣之新班專外臺之劇寄眷斯民俗  
已熟教條舊所領州尚鬱去思之望及茲  
開府當成不戒之孚仰窺訓詞即俟報政  
某棲遲晚節漫浪此官方懷投劾之歸空  
切登車之志念昔已同之臭味于今復並  
於官曹仰鄰燭之分輝庶山藜之不采隆  
寒在候盛德對時冀妙毓於生經用丕迎  
於景貺

新巢縣許宰

冠千佛之名早嘗慕義爲百乘之宰今乃

趨歸即覆郎官之錦簡注采厚寵靈泮臻



同僚雖共嘆於回翔聊自謀於親炙伏惟  
某官才高雋軌文掞明庭凌雲之氣超然  
固已薄蓬萊而不上激水之飛遠矣方當  
運溟海以橫壑詎意荒城肯臨君子歷考  
本朝之故事人謂斯何自結明主之深  
知公寧久此所冀亟來於行李庶能少奉  
於周旋

荅吳將仕

屬厭俊聲夢想德宇丈人作牧適臨父母  
之邦仲氏決科更參兄弟之契欲論交而



之邦仲氏決科更參兄弟之契欲論交而  
未敢乃盛禮以見投伏惟某官考信六藝  
以行其所知博極羣書而守之以約深厚  
爾雅追漢兩京之文直諒多聞得魯君子  
之益蓋將友天下之善士豈其顧吾儕之  
小人既見止而我心降喜可知也匪報也  
而永爲好俾利圖之

于湖居士文集卷第二十一



開化圖書館

kaichua library

卷一

七

文



于湖居士文集卷第二十二

啓

除禮部郎官謝沈左相

考東觀之藝文方陪雋軌隸尚書之牋奏  
遽列清曹荷銓宰之殊知躡官彝而超授  
伏念某幼而不學長也益愚出寒鄉寂寞  
之濱居游已陋襲老生陳腐之說剽略奚  
工策名雖冒於一科觸禍僅違於九殞諸  
侯賓客姑將稍試於所聞上帝圖書即許  
竊窺於未見牙籤雲委貝闕天橫蠹魚枯



文字之間海鳥眩鼓鍾之饗瓶罌易耻宜  
蒙盃脫之譏組繡非能敢望錦窠之目始  
令承乏旋使爲真訪臺閣之大儀顧非博  
綜誦朝廷之故事尤愧清通蓋一再歲之  
久虛乃不崇朝而輕畀凌兢就職激切懷  
恩茲蓋伏遇僕射相公道妙體元誠純育  
物臯夔稷契丕成極治之功東馬嚴徐盡  
入至公之用占小善者率以錄示大賢之  
無不容猥收場屋之虛名亦玷省垣之高  
選某敢不靖共爾位紬繹舊聞何日爲郎



選某敢不靖共爾位紬繹舊聞何日爲郎  
雖賴曲成於造命不遑將父終期外補以  
便親

湯右相

前上同某重惟父子悉累門闡樞筦編摩墮  
甑尚勞於却顧珍臺洒掃遶枝更許於安  
棲藐是孤蹤益勤大造斯文衡鑑收雕蟲  
篆刻之微羣枉織羅抹破卵傾巢之酷故  
茲識擢一出異知恩如鞠育以何加身欲  
糜捐而莫報某敢不質之天地銘在肺肝

前下同



謝劉提舉

郎家安在方叨執戟之榮君舉必書遽陪  
載筆之侍冒恩至渥論報獨難伏念某猥  
以諸生濫追衆雋考藝文於東觀隸歲奏  
於南宮忽誤聽聞進躋班列典春秋尚書  
之簡冊何有編摩望清都太微之冕旒空  
塵供奉靡容辭避端自吹噓茲蓋伏遇某  
官學有本原智周事物六轡按部式專開  
闔之權三接造庭即賜清閑之燕不遺故  
舊曲借褒揚遠勤騎吏之臨特拜雲牋之



舊曲借褒揚遠勤騎吏之臨特拜雲成之  
既齊夸烏有姑借喻於騁辭曾懼無鳩願  
推誠於發藥秣深感抃莫既頌言

撫州到任謝執政

殊庭賦祿方省已以偷安劇郡分符遽叨  
榮而起廢大恩難報小器易盈伏念某天  
與隘踈地繇孤遠頃陪朝列誤簡聖知執  
筆螭坳愧編摩之何有演綸鳳閣知潤色  
之非長人咸羨於遭逢已獨知其僥倖殫  
黔驢之技未答洪私致鵜梁之譏莫逃餘  
責一收朝蹟三易歲華既自循蒲溢之愆



敢復有超踰之望忽玷蕃宣之寄寔緊造  
化之私恭惟某官茂業經邦精忠格帝自  
任天下之重出應聖人之時端委廟堂共  
建非常之策運籌帷幄果收不戰之功勲  
在旂常望隆鼎鉉夫何踈拙亦預搜揚某  
敢不祇畏簡書布宣條教慰安牧養冀追  
渤海之功撫字催科惟上道州之考

王提舉

食檠飲冰舊欽耆德匿瑕藏垢今藉餘輝  
將親依繡節之嚴敢恭致緹緘之問伏惟



某官學專師古志不謀身落木紛披凜長  
松之獨立頽波浩渺屹砥柱於中流蓋富  
貴一時於我何有哉雖夷險百爲惟是而  
已矣 聖天子旣深知於忠讜士大夫亦  
交譽於清規正色朝端所宜進陟觀風江  
介曷尚淹留某慕用惟深師承是幸惟州  
縣簿書之事儻少寬程督之科則里閭凋  
瘵之民庶竭盡撫摩之力

陳運使

誦諫臣之薦草夙欽循吏之稱分太守之



竹符令托外臺之芷願瞻誨色祇奉教條  
共惟某官古學精深英猷特達頃侍和公  
之側婁道永州之賢事得其宜未嘗千百  
姓之譽治出於一殆無愧兩者之間將登  
禁密之聯尚借澄清之略諒無煖席即有  
賜環某慕用惟勤親依是幸惟州縣簿書  
之事儻少寬程督之科則里閭凋瘵之民  
願竭盡撫摩之力

任提刑

近仙闈錦帳之氎昔聯輝於列宿瞻使者



近仙闈錦帳之氈昔聯輝於列宿瞻使者  
繡衣之斧今托芷於二天將祗奉於教條  
敢敬馳於書牘伏惟某官學潛精粹德秉  
純全素節清規表儀於鄉黨閱猷敏識潤  
色於朝廷容臺正絕禮之訛憲府極繩綆  
之效方佇持荷之拜俄聞蕩節之行千里  
上游久著平反之譽九關帝所即期趨召  
之歸某一去賓闕屢更歲籥躬耕下澤徒  
切睇於光躔假守偏州乃密依於蔭樾所  
冀少寬於程督庶將自力於撫摩

黃運使



一麾江海叨被恩書千里湖山遙瞻使節  
方有希於餘潤乃先辱於惠音共惟某官  
德履粹溫才猷開濟早更名郡偉望實之  
兼隆輒屈外臺見事功之咸允雖經畫雅  
資於管葛而論思正屬於嚴徐佇奏嘉庸  
即還近列特紆高誼曲賁踈蹤把酒分一  
日之光坐歎晤言之阻占詞妙五雲之體  
但深藏去之榮

鄭大資

綠章封事方修香火之緣黃紙除書忽拜



蠶絲之托愧微蹤之未稱幸長者之焉依  
伏惟某官德秉純全學躋淵奧五百年之  
名世將以有爲四十圍之參天凜乎不拔  
歷數當今之大老孰是中原之故家願益  
介於壽祺佇登延於舊弼某服膺滋久望  
履終遙何期起廢之恩乃有親仁之幸惟  
諸父辱少公之客未報隆私顧是邦有賢  
者之留敢忘祗事歸依之極敷宣奚周

陳正字

同前伏惟某官學造聖真文爲國采瓊琚



王佩父應接武於夔龍貝闕珠宮尚困守  
關之虎豹所冀躬行於白屋會須自致於  
青雲某屬造英躔繆參朝契念辱守在游從  
之舊間者闊焉乃今諧親炙之榮喜可知  
也未遑問訊先辱移書

提幹

同前伏惟某官襟量粹夷才猷超敏外臺  
贊畫知譽處之采休要路蜚聲諒東求之  
不遠再惟冗瑣獲際光塵友士之仁豈獨  
慰平生之願求民之瘼庶將聞忠告之規



慰平生之願求民之瘼庶將聞忠告之規

建昌趙知府

同前伏惟某官擢秀天支蜚聲朝右爲善最樂卓然循吏之師閱理居多粹乎宗室之老暫淹侯服行陟禁涂某慕義已深承顏弗遠是所願也儻或聞前輩之話言豈不然哉當盡得疲民之疾苦

黃知府

同前伏惟某官正學探微英猷邁遠風流未泯蓋山谷老人之諸孫進擢非遙有表州刺史之故事諒不容於煖席即遍被於



賜環某同前

孫參議

同前伏惟某官奧學家傳宏猷天賦名藩  
布詔謂當少著於豐功燕館願真乃復重  
違於雅志惟益臻於壽祉以茂對於榮恩  
某父此睽違載欣接款同前

王教授

同前伏惟某官學造淵微才推敏劭橫經  
師惺知譽處之架休奉詔公車諒東來之  
弗遠再惟冗瑣早際光塵未遑問訊之恭



先辱貽書之貺

通判以下

同前伏惟某官襟量粹夷才猷超敏回翔  
外服知譽處之桀休踔厲要塗諒東來之  
不遠再惟冗瑣獲際光塵友士之仁豈特  
慰平生之願求民之瘼庶將聞忠告之規

趙通判

殊庭賦祿方竊便安支郡分符誤叨委寄  
所幸治中之從事乃是平生之故人伏惟  
某官清德家傳英猷天賦光風霽月自是



無塵錯節盤根試窺游刃雖千里尚留於  
驥足然九霄方迅於鵬程諒亟拜於除書  
遂橫舉於顯路某屬因請父嘗際高賢間  
者闕焉已忘歲月之多少喜可知也願將  
朝夕以親依未皇問訊之恭先辱貽書之  
寵

江州林知府

半生慕義未遑賓謁之修支郡承流遂有  
善鄰之托載馳書牘恭掣齋鈴伏惟某官  
敏識造微英猷邁往卓然一代之循吏喜



是中原之故家坐嘯江城仰治功之獨最  
奉朝漢闕諒追詔之非遙曾是微蹤將依  
隆莛寒女緝苧所願分光於有餘拙匠伐  
柯尚欣取則之不遠

苗太尉

授將軍之鉞嘗望餘光分刺史之符遂依  
隆莛伏惟某官忠揭日月義嚴雪霜早歲  
臨戎即登於勇爵十年扈蹕婁勒於勳銘  
逮邊瑣之多虞由殿巖而遣戍茂宣皇略  
亟挫天驕倚須露布之聞適正節旄之拜



顧茲孱瑣方藉帡幪瞻碧幕之非遙馳尺  
書而敢後

王侍郎

緯星厂之轆轤斯文夙賴於主盟卧江海  
之空同舊德更高於耆壽喜問塗之有日  
將候館以趨風恭惟某官名冠倫魁識參  
元妙瓊琚玉佩固嘗接武於夔龍貝闕珠  
宮婁困守關之虎豹去六月而一息翔千  
仞以覽輝諒扶施之北來即賜環而南下  
某粵從稚齒聳慕雋躔何期荒障之乘適



此高軒之過榮光下燭華閭先臨仰君子  
之好謙愧小人之不敏

明州韓尚書

繡幢畫戟占東藩鼓角之雄寶字玉文新  
廣內圖書之直入謁尚遙於賓榻修辭敢  
後於齋鈴伏惟某官粹量淵停英姿玉立  
學無不可凜乎當代之偉人政得其宜卓  
爾中興之循吏乙陛識尚書之履四方勞  
申伯之藩留鑰九扉已壯長江之險戈舡  
下瀨還清瀚海之波願疇外屏之勲遂贊



西樞之畫某述違墻仞多閱歲時大司寇  
之議刑嘗拜家庭之賜小諸侯之述職敢  
忘方伯之尊嗟問訊以成踈且懷恩而未  
報所斬宏度終諒微誠律管崢嶸和門整  
暇冀益綏於純嘏亟趨覲於嚴宸

曹監簿

一麾假守自愧非才千里貽書過勤盛意  
伏惟某官英聲夙著德器自將雍容文辭  
亟簡朝廷之聽積習名教益增闕閱之光  
方徑席於清高尚不忘於疇昔有懷謙眷



莫喻鄙悰

賀周侍郎

寵  
游膺異數以武部之顯曹而顯  
玉堂之直以文林之魁傑而紬金匱之書  
外廷雖創見於親除造膝乃先期於面授  
共惟聖眷獨厚諸公蓋將基大用於此時  
豈曰踵前人之故事有如孤迹辱在恩門  
竊欣廣厦之成密仰慶雲之蔭輒因尺牘  
少薦愚衷



于湖居士文集卷第二十二

開化圖書館  
Warhna Library



于湖居士文集卷第二十三

啓

王提刑

汝水承流已叨覆露吳門易地更托按臨  
繫幸會之適然知譴何之可免伏惟某官  
純誠獨秉剛毅不回溜雨之四十圍本孤  
根之自立搏風之九萬里寧短翼之爭飛  
粹無恂幅之華凜有澄清之志顧外庸之  
久訖宜中詔以邁歸某別德經時親仁不  
日疇昔熟於條教莫先圖民俗之安乃今



奉以周旋當益厲官常之守

章提舉

虞廷輯瑞昔叨一眄之榮禹甸宣風今與  
六條之按仰止使旋之近俯馳書牘之恭  
伏惟某官粹量淵停英姿山立文高學古  
蔚爲儒掖之宗行峻履方屹此廷紳之表  
自寵持於華節即妙東於垂旒外庸已訖  
於澄清中詔行參於宥密某見賢不遠受  
察云初是能容之儻少寬威於程督庶可  
乎耳所當盡力於撫摩



乎耳所當盡力於撫摩

兩通判

諸公長者之譽疇昔固願見之同官為寮  
之賢乃今何其幸也伏惟某官英猷邁往  
正學探微杞梓榘楠知鄧林之不雜琮璜  
圭璧宜清廟之見收斲淹半刺之除行拜  
十行之寵某依仁匪遠託契云初前事後  
師儻悉蒙於教告左提右挈其將免於悔  
尤公其圖之我所願也

知州

門闌睽隔久違問訊之恭

不相識云門闌  
在望未諧識面



之私郵傳鼎來遠被貽書之寵仰佩冲虛之  
慄更懷親附之榮伏惟某官行峻履方識  
明器博籍甚諸公之譽當立上於要津居  
然一障之乘顧何勞於餘刃諒賜環之在  
即遂持橐以居中某已試無功巧閑得劇  
民亦勞止冀少圖安集之功公儻教之當  
謹承清淨之誨

待闕通判

上同伏惟某官行峻履方識明器博籍甚  
前諸公之譽當立上於要津居然別乘之官



諸公之譽當立上於要津居然別乘之官  
顧何勞於餘刃諒賜環之在即遂結綬以

遄歸前下同

趙郎中

上同伏惟某官行峻履方識明器博籍甚

諸公之譽當立上於要津退然三徑之居  
乃深藏於偉業諒墮封之來下由珍館以

遄歸前下同

王提幹

上同伏惟某官行峻履方識明器博西樞

宥密夙推家之之謀右輔均輸今賴幕中



之畫佇趨嚴召立據要津

下同

朱知府

上同

伏惟某官行峻履方識明器博楚都

揭節夙高廉按之公嚴瀨剖符行著蕃宣  
之績恐難淹於外服當即拜於中除

下同

胡國正

籍甚諸公之譽所願納交粲然一紙之書  
胡爲及我伏惟某官高文足以華國竝論  
足以濟時璧水之除此其漸耳瑣闥之拜  
衆且遲之方消搖於里居益涵泳於聖學



衆且遲之方消搖於里居益涵泳於聖學  
俯慚固陋行際聲光友士之仁豈獨慰平  
生之願求民之瘼庶將聞忠告之規

### 陳教授

同年之契契闊有時爲僚之賢解后於此  
伏惟某官議論該乎國體文華贍於時英  
教諸侯之泮宮聊從容以卒歲備天子之  
詞命知軒騰之有時某攝官云初依仁是  
幸友多聞之益無以尚之問爲政之方其  
知免矣

### 常州郭知府



諸父納交昔叨末契近藩假守今託善隣  
將敬掣於齋鈴敢遠馳於書牘伏惟某官  
才高盤錯譽滿薦紳諫大夫薦之公朝  
太上皇擢以名郡第循良之最獨居三輔  
之先輸獻替之忠即參兩禁之密某已無  
善狀更誤厖恩望廬山之雲旣闕晨昏之  
養飲吳江之水敢爲旬月之圖欣近接於  
封圻將悉摹於條教僕之所願如此公其  
勿愛于言

撫州陳知府



碩膚之譽久屬厭於舊聞斗天之州乃淹  
翔於敏手豈獨託交承之契所欣蒙覆護  
之私伏惟某官器業偉然聲華籍甚家學  
之富蓋有本原吏事之精尤高盤錯暫領  
一麾之寄即嚴三節之歸乃眷臨川號稱  
古郡戶乏中人之產府無經月之儲貧吏  
乾沒既不哀杼柚之空齊民無聊皆去爲  
囊裏橐之盜宜有循良之政來蘇疲瘵之餘  
愚若孝祥一無可紀糠粃在前之愧夫何  
言哉瑾瑜匿瑕之仁是所望也



劉舍人

五莞曠官已逾黜幽之典三湘謀帥又叨  
使過之恩宜惟衣鉢之傳實有鈞陶之自  
某奉身無術與世全踈冥行於利害之涂  
窘處乎讒謗之藪載從去國屢遣作州率  
以五六月之間則爲數千里之役精神耗  
於憂畏筋力疲於奔馳忽去忽來固未免  
挪揄之鬼乍賢乍佞獨柰何萋斐之人豈  
無二頃之可耕况復雙親之既老决意投  
簪之適弗圖賜履之榮恭命而行懇辭不



獲茲蓋伏遇某官學窮聖蘊道覺民先羞  
崑崙薄蓬萊迥立風塵之表决汝漢排淮  
泗橫馳翰墨之場比收一笑之功遂殄陸  
梁之寇雖在公以爲餘事然寬上之所甚  
憂肆予環而召歸當告冊而爰立即以所  
臨之巨屏付之承學之諸生某敢不謹守  
箴規益思策勵老吾老幼吾幼方深蘄錫  
類之恩步亦步趨亦趨終難望絕塵之軌

王運使

劾章亟上即使歸田明詔趣行又令分閭



蓋亦東西之惟命敢云來往之爲勞所欣  
容察之賢乃是交游之善伏惟某官英姿  
煥越德宇靜深風流傳正始之餘人物尚  
中原之舊刻清湘之樂石嘗夷赤籍之驕  
通下瀨之戈舡又靜綠林之擾竹圖成績  
即拜顯除某猥奉藩條獲依使節念問涂  
衡嶽曾分筆硯之餘而枉駕湘西復接盃  
觴之勝違離屬兩際會偶然一馬二童長  
驅千里雙魚尺素疊拜三緘筋力盡於奔  
馳精神爲之耗散欲報所貺將遣復休念



已投契分之深豈其較禮文之末我之不  
敏情見乎詞

寄居官

効章亟上即使歸田明詔趣行又令分閫  
蓋亦東西之惟命敢云來往之爲勞一馬  
二童長驅遠道雙魚尺素敬拜好音病體  
困於奔馳文思爲之枯涸涉筆欲報空函  
是憂念方依德庇之初管下倅去念方必託僚契之深  
不較禮文之末我之不敏情見乎詞

呂彥升到狀



出分宮鑰繆托交承入奉介圭喜將解后  
聞有南徐之新命復爲北道之主人幸艤  
舟而小留當接塵而一笑

帥江陵通運使楊顯謨

山川跋涉欲徧東南父子扶携復來荆楚  
即有依仁之幸更懷冒寵之慚伏惟某官  
熏班馬之濃香鍾岷峨之秀氣籍甚之譽  
與江俱流燁然之光立朝更顯謂當扣紫  
微而排閭闔徑拜玉清之侍臣何謂羞崑  
崙而薄蓬萊尚作繡衣之使者有如孤迹



嘗並英遊乃今邊瑣之行復託外臺之庇  
夕烽罷警請與公圖緩靜之宜春水才生  
冀許僕辦歸休之計

蕪湖沈知縣

籍甚之譽久矣在諸公之間最爾之邦豈  
其淹長者之辱伏惟某官文章翰墨自成  
一家人物風流尚友前輩少借演綸之手  
來收掣錦之功顧游刃之有餘諒追鋒之  
不遠未皇馳牘先辱貽書



于湖居士文集卷第二十三

于湖居士文集卷第二十三

于湖居士文集卷第二十三

于湖居士文集卷第二十三

于湖居士文集卷第二十三

于湖居士文集卷第二十三

于湖居士文集卷第二十四



于湖居士文集卷第二十四

書

代摠得居士上沈相 該

厥今天下之士彈冠結綬請以身售於相  
國之門者不知幾何人其聰明才智崇論  
欲議足以理紛濟劇謀王而斷國者又不  
知幾何人若是者相國之門蓋已不乏於  
才而碌碌尋常之人亦無以自達於下執  
事矣雖然相國豈直以此而遂拒天下之  
士也哉周旋慰薦惟恐其不至士之客於



中都者今日投謁于司賓之吏明日則命  
之見焉其善惡能否相國蓋一與語而盡  
知之如燭照數計毫髮無以自隱於是而  
退絀於是而獎用則公議翕然咸以爲當  
或以問某曰相國午漏下還第與賓客接  
才數刻頃顧步趨語默之間輒已得其人  
之肺肝若素知之此何爲也耶某謹對曰  
相國惟公故生明惟定故能應惟虛其心  
故能服天下輔政于茲一年而中外底平  
百志緝熙遂濟登茲不動聲色相國以是



三者也相國以是三者計安天下其於知  
人也何有某也楚之鄙人也聲名無聞於  
時問學不足以取世資流落田野十有八  
年偶得不死耳今亦踽踽然來蘄望泰符  
之輝以不肖之身受察焉其可其不可不  
敢自列惟相國哀憐財幸之舊詩一編間  
居無事紓憂娛悲輒贄以見非某之所長  
也干冒鈞重俯伏俟命

上史參政浩

某伏讀制詔參政以命世宗儒東宮舊學



精神感會臣主俱賢顯膺冊拜晉參國秉  
天下幸甚伏念某疇昔登門猥辱知遇生  
長四明丘墓所寄阡陌相連實同黨里不  
敢獻諛願効微忠伏惟中興以來宮僚幾  
人若賢若不肖主上朝夕之游處毫末曲  
折弗逃聖鑒而簡在眷禮獨公一人事關  
運數非偶然者累月以來擢用休顯中外  
之士拭目歆艷知參政者則謂渟渟瀆抱負  
鬱而未伸逢辰遇合逮今已晚其不知者  
直云師傅舊恩適用故事夫拔之衆人之



中寘諸百僚之上自高宗文王猶托諸夢  
卜况如近時風俗益壞橫得一金或媚疾  
之竊料進而賀參政除拜於前退而議參  
政闕失於後者不無其人故今日參政應  
之甚難亦可懼也圖易其難圖釋其懼參  
政之策將安出願參政深思之今日朝廷  
之上進用人才措畫邊事與凡號令因革  
某事非某事是人不以屬它宰相執政必  
曰此史參政之爲耳蓋用之驟則責之重  
其理固然况參政方在北門遠方之人以



邱報不傳興事造業一出參政意今入政  
府則此名益不可避以不可避之名任甚  
重之責當至顯之位然則參政將何以善  
始善終以無負聖天子以無負天下也哉  
自古在昔莫難於君臣之際二帝三代置  
而勿論必上下一體言行計從雖父子兄  
弟之密不得與乎其間如高祖之於子房  
先主之於孔明我太祖皇帝之於趙中  
令而後可以撥亂反正創業垂統竊觀  
陛下繼太上皇帝而爲之子談笑授受



陛下繼 太上皇帝而爲之子談笑授受

雖二百年不成之緒然稽之天數與人事  
寔纂承啓運御極之初惟新景命光昭  
祖烈將以傳無窮而施罔極必一遵建隆  
之舊則 陛下之得參政何以異於 藝  
祖之得韓王參政於此彌綸動化開闔張  
弛惟危惟微可戒可畏不一而足某雖愚  
不肖誠願有以言之而參政擇之參政儻  
許之言則請條列以告伏惟參政方闢大  
公至正之路翦莠蕘之賤試將采擇其善某  
也狂率犯分參政弗怒以教



代季父上陳樞密 誠之

某聞列宿之在天星官曆翁有傳數世而不能盡究其名數者至夫五行之精雖隱伏不見按圖而考之則固已知其躔次之所在與夫善惡祥之應皆可以前知曰如是則爲人主之壽如是則爲豐年如是則天下和平若影響之隨無有差忒婦人孺子夜立庭中仰首而望曰此填也此歲也此太白也未嘗學星則既能盡識之矣今夫賢者之於世其間出希有固亦寥寥然如



賢者之於世其間出希有固亦寡寡然如

五緯之相望苟一有焉雖窮在畎畝未見  
於用已隱然係天下之望曰使是人而出  
應吾君之求也必能發所蓄以利澤一世  
而有無窮之聞矣一旦進而坐於廟朝天  
下又將翕然而稱之曰是吾昔之所期某  
公也昔吾之所望於是者庶幾乎故雖窮  
山幽谷婦人孺子亦莫不然何也如五星  
之在天其晦也人皆得而知之其顯也人  
皆得而見之故也恭惟樞密以碩大高明  
之資輔以宏深經遠之學發策決科震耀



宇內皆其緒餘不足道者而天下之所以  
期望於公而公之所以抱負自任天下之  
重蓋不在是也前年天子揔攬權綱號  
召數公新美庶政此數公者聲稱德望炳  
然較著真與芒寒色正者比公在焉是司  
天子腹心之寄運旋樞極以隆國勢曾不  
朞月而優游之望得太平之責塞天下之  
人亦既斂然自足蒲慰疇昔而無異辭矣  
某也楚之鄙人也青衫白髮塵埃一命之  
選蓋將三十年雖冗散無以自振而所至



不能阿意下氣往往不偶卒窮困至是顧  
嘗爲大樞湯公之役湯公憐之賜以斗升  
之祿使活軀命令又閱一歲於此矣湯公  
謂某曰汝往拜樞密陳公之門吾爲汝言  
之某奉命是以來雖然某之見公非直以  
此故也五緯之行婦人孺子皆得見而識  
之某誠不肖矣其智固不如婦人孺子矣  
乎伏惟誘而進之使得自効請以受知湯  
公者亦受知於門下不宣

與李太尉

顯忠



某聞之當今號稱人傑磊落竒偉可撼以  
義獨太尉三數公耳今春過池陽始識太  
尉置酒高會開心見誠某竊不自揆嘗爲  
太尉陳其所以報國一二事太尉不以爲  
罪擊節稱善某於是益知太尉之賢常常  
爲士大夫道之謂太尉嘗以單騎九百却  
二十萬之衆它日邊候有警奮不顧身星  
流彗掃敵王所愾者必太尉也自黠虜渝  
盟 聖天子赫然震怒悼已事之失策誕  
布明詔恭行天誅太尉膺 上簡校當國



一面悉甲濟江今踰月矣虜騎浸淫至于  
歷陽太尉之軍雖嘗小捷然虜旣越險而  
南幕府猶在舒城不聞太尉出騎要擊何  
也豈旣追北而此未知耶抑太尉方略素  
定儒生不得而測識耶兩日來羽檄自  
御前至太尉處者相接於道而遷徙之民  
自北而來所傳益急事勢危迫可謂間不  
容髮矣不知太尉將何策以處此今淮西  
之三帥列屯朝廷安危實繫於此是太尉與  
王侯成侯必須同心協力而後可以成功



若一人少有顧望吾事去矣伏望太尉思  
主上平日所以期待太尉之厚委曲冥念  
交歡二帥使無纖芥專圖國事盡去私心  
若王侯當其前則太尉宜與戚帥以銳師  
出其腹背首尾齊應各務致死則虜衆雖  
多可以立潰萬一不然少有沮抑太尉將  
何以報 天子何以見天下之賢士大夫  
耶望太尉精思之速圖之無貽後時之悔  
忠憤激切之懷不能此盡謹遣使臣莫師  
雄躬造帳前面稟拱立西望以俟嘉音不



宣

代任信孺與王太尉權

某聞太尉之名舊矣雖未識面然嘗一再  
通問及來宣州見張漕父子日日稱說太  
尉忠義純一智略沉雄治軍訓旅多多益  
辦今時諸將可一二數某是以擊節誦嘆  
願交下風蓋因致書欲太尉以一千人之  
功名保三十年之富貴某所以與太尉心  
相知者甚厚自黠虜渝盟 聖上奮發威  
斷以迄逋誅天聲震疊山搖海蹙太尉兼



心膂爪牙之任杖旄秉鉞銳卒十萬式遘  
其驅揚舲濟江分據險阻可謂盛矣中外  
之士正望太尉以捷音聞雖定林之役追  
北百里然斬獲不多人心未快數日來或  
謂虜騎已越滁壽太尉復還歷陽果爾則  
何爲耶淮西重地朝廷所責望者專在太  
尉李侯成侯其實太尉麾下兩事勢之急  
如此必三帥協義同力首尾相應盡去疑  
間合爲一家然後爲可今日調護茲事獨  
在太尉太尉聰明辨此不難所願太尉念



主上平日眷遇之隆不憚少屈遣書致禮  
交歡二帥相與誓約專意國事屏除私心  
尅日共舉以翦窮寇以復境土則太尉勲  
在社稷身名俱榮竹帛鍾鼎不足稱載萬  
一不出乎此各自爲謀少失機會悔將何  
之忠憤激切壞不能已輒以尺書布之幕  
下可否之決立遲一報不宣

在太尉太尉聰明辨此不難所願太尉念



于湖居士文集卷第二十四

館

圖

化

關

Faint bleed-through text from the reverse side of the page, including characters like '不', '日', '大', '學', '以', '對', '人', '臣', '書', '如', '不', '對', '人', '臣', '書', '如', '不', '對', '人', '臣', '書', '如'.



于湖居士文集卷第二十五

疏文

乾龍節開啓疏

瑤池御駿悵久隔於宸游華渚流虹欣載  
臨於誕節預憑衆妙遙贊洪釐 尊號皇  
帝陛下伏願體道希夷凝神昭曠壽祺夫  
錫順迎滋至之休輿衛星陳佇協端歸之  
吉

又

聖人有作夙聞里社之鳴誕月載臨茲効



華封之祝仰憑慧力恭焚壽祺尊號皇  
帝陛下伏願體道希夷凝神昭曠否終必  
復即期八駿之歸常久無疆茂協九齡之  
與

乾龍節蒲散疏

載震夙以開祥式臨穀旦內文明而養正  
莫望清塵敢殫率土之誠恭致彌天之祝  
尊號皇帝陛下伏願緝熙純嘏保合至和  
壽等南箕共協皇圖之永禮成北嶽亟嚴  
仙仗之還



乾龍節功德疏

襄野問塗高蹈無為之表華封祝壽茂迎  
 可久之祥恭即殊庭再嚴妙果 尊號皇  
 帝陛下伏願既多受祉永孚于休夙駕言  
 還副君子必歸之望夢齡協永膺聖人得  
 壽之符

又

駿馭追風悵宸游之久滯鳳編紀日欣穀  
 旦之重臨恭祝鴻釐載清貝梵 尊號皇  
 帝陛下伏願消搖物表保固天倪問襄野

行...  
 十月...  
 ...



之童終冀迷途之復依西方之佛更瞻壽  
量之增

天申節開啓疏

景運有開方迪延洪之祚珍圖疊紀茂當  
震夙之期恭依覺地之嚴增祝聖人之壽  
皇帝陛下伏願體乾剛健如日照臨天其  
申命用休遂臻過歷聖人大寶曰位永保  
無疆

天申節滿散疏

探赤水之珠已凝神於象表受泰元之策



探赤水之珠已凝神於象表受泰元之符  
聊玩意於人間蓋與造物而同遊則非巧  
歷之能計尊號皇帝陛下伏願備兩宮  
之樂冠百王之徽億載萬年貴為天子之  
父九州四海丕承太上之尊

皇后生朝功德疏

椒風流化於昭內治之脩璧月儲精載紀  
誕彌之瑞增祝至仁之壽式嚴衆妙之因  
皇后殿下伏願應地無疆與天合德開燕  
祥於甲觀申錫百男之休承色養於東朝  
參享萬年之曆



大行皇后僧家宣讀疏

淑德承天方迪二南之化諱音傳遠遽纏  
九土之悲輒憑貝葉之文默助椒蘭之慘  
大行皇后伏願脫人天之調御從帝釋之  
遨遊夜月在天湛本體清涼之性秋蓮着  
水發靈根定慧之香

大行皇后道家宣讀疏

灑宸極於長秋始基王化望崦嵫於永夜  
痛極輿情輒紉琅笈之靈章默助璇宮之  
仙馭 大行皇后伏願悟本心之清淨識



仙馭 大行皇后伏願悟本心之清淨識  
道體之希夷駟玉虬而上征徑造西真之  
集折瓊枝以繼佩却從姑射之遊

大行皇后齋疏

長秋正位化方詠於堯且脩夜興哀悵莫  
留於駟馭敢憑緇褐之侶仰助禕榆之思  
大行皇后伏願識道體之希夷悟真詮之  
圓覺蕊蕊宮絳闕陪姑射之神人天雨寶花  
超華嚴之法界

青詞

淮西漕司設醮



衆生淪於異物長無超度之期上帝覆以  
薰慈厥有救援之靈敢殫誠悃仰冒至真  
眷茲淮壖頃罹兵劫匪罪而死不知幾千  
萬人游魂無歸于茲二十餘歲或葬之中  
野而絕子孫之託或鬱爲枯腊而失墳墓  
之依或兀領之不全或草木之同腐傷心  
慘目舊哭新冤坐令凋瘵之餘尚遏和平  
之喜臣叨將外計念此沉幽惟瀝壤於層  
霄庶興哀於九地伏願綠章上達絳節下  
臨注南斗之生俾謝無窮之苦削艷都之



臨注南斗之生俾謝無窮之苦削豐都之  
籍溥施蕩穢之恩及此民編咸躋壽域

元正設醮

太一常居上帝之仁徧覆大千世界衆生  
之業無窮俯當嗣歲之興祇卜剛辰之吉  
款靈宮而歲事瞻霄極以祈恩願鑒微衷  
誕敷隆施

上元設醮

清都紫極隔世幾塵綠簡瑤章通臣一念  
撰日三元之始馳情八景之高伏願增衍  
祺祥蕩除災穢貫其既往新以方來錫難



老於家庭覃餘休於嗣續

又

玉清嘉會氣實首於上元金簡直儀福用  
敷於下土敢宣主德率籲國人敬披致一  
之誠仰導惟新之慶伏願輪飈臨夜聖澤  
如春萬歲千秋仰奉堯年之永五風十雨  
徧爲吳會之祥凡我有生長依道蔭

又

絳闕高居躡千真而下察綠章封事緘一  
念以遥通當甲子之上元惟王春之正月



念以遙通當甲子之上元惟王春之正月  
三官校籍婁書黑簿之愆九氣騰霄滋味  
黃庭之景載披雲笈恭款飈游伏願闕此  
餘齡賜之無事退安田里常遂於豐登燕  
及子孫更新祈於繁衍

十二願

一願一人聖壽二願二儀平成三願三光  
明潤四願四序休寧五願五行協應六願  
六府充盈七願七元降格八願八表澄清  
九願九壘皇君垂福祐十願十乘太乙度  
灾屯十一願十一耀靈光下燭十二願十



二時道氣常存

建康求晴設醮

常陰之罰乃吏弗虔暑雨之咨彼民何罪  
人今露宿田與江通環數州杭稻之鄉  
千里波濤之險疾病飢寒之既迫連亡蕩  
析以奚疑仰惟 當宁之仁婁放振廩之  
詔已觖有秋之望終懷卒歲之憂扣首祈  
恩拊心無策伏願宏開矜宥溥示救援稽  
夫之浸潛收不葬魚龍之宅併日而食弗  
飽尚全雀鼠之生哀此下民歛時五福



飽尚全雀鼠之生哀此下民歛時五福

荊州修堤設醮

古之南郡今者西門控吳蜀之咽喉兼襄  
漢之唇齒兵戈蹂踐閱四十年版籍凋殘  
無三萬戶屬故歲有防隄之失當隆冬興  
土木之工徭役旣多流亡是湯歷三元之  
初日按八景之真文恭闕靈場肅延霄馭  
仰贊兩宮之壽俯祈一道之安錫以豐年  
保其常產貫餘災於比屋移厥咎於微臣  
帝之所臨臣不敢悔

遷居謝靈惠王設醮



徧覆包涵寔下民之陰隲聰明正直斯百  
祀以光輝乃眷昭亭山之陽誕惟梓府君  
之宅受命于帝降神此都不怒而威有感  
斯格閔孤生之流落錫嘉夢以丁寧俾奠  
攸居第安汝止仰明靈之昭荅俯危跡以  
震驚焉恭按真文具嚴報禮所冀雲霄之馭  
來臨仙之祠儻闔門益荷於純禧將永  
世畢依於大道

謝火災設醮

天愛斯民欲其逢吉吏媮厥職所以致菑



天愛斯民欲其逢吉吏媮厥職所以致於  
蓋二千石之非賢俾十萬家之妻警拊心  
自悼稽首知歸冀矜宥於叢霄遂輯寧於  
比屋匪臣私禱惟帝博臨

設九幽醮薦所生母

終身之恨弗逮於慈容小已之私可干於  
洪造啓盟真之玉籙嚴款聖之瑤壇頓首  
求哀齋心望報伏願垂恩九地申救三官  
或已注南斗之生則冀福齡之延永或猶  
滯艷都之對則祈罪苦之蠲除交盼響於  
幽潛通爽靈於夢寐更令同氣均此殊休



代摠得居士保安第三弟設醮

人愛其子惟疾之憂天聽自民必從所欲  
伏念臣第三男臣孝直黻於福植幼也多  
艱涉秋以來病滋爲崇閱日旣久藥且不  
持悼賦質之竒偏懼夙緣之多累非歸誠  
於造化寧有望於安全恭按靈科具申哀  
禱仰冀雲霄之澤不遺草芥之生俾終協  
於大和誓永依於至道

謝過設醮

三塗苦趣流轉無窮八景真科超躋有道



三塗苦趣流轉無窮八景真科超躋有道  
具翰危困祇冒聰聞伏念臣涉世之難惟  
天是恃謂將晚節稍遂安居餘孽未除叔  
子云逝雖脩短不逃於物數然咎休率繫  
於人爲輒歸命於紫清庶蠲名於黑簿雲  
霄降格雨露均霑俾微生蒙宥過之恩而  
已死道沉幽之苦更隆鴻施俯暨羣倫

釋語

請道顏住撫州報恩疏

大雄一佳名虎震伏羣魔揚岐三脚驢蹙躡  
四海欲振當年之門戶須煩本分之宗師



顏公禪師傳妙喜之衣得圓悟之髓日光  
玉絮雷厲風飛噴香爐之紫烟叵堪滿戶  
之屨壞錦官之春色忽尋上峽之舡惟法  
眼之道場寶屯庵之舊隱雲無心而出岫  
水有時而回淵莫辭振錫之游再結繡經  
之社休去歇去尚堪一行瞻之仰之如是  
三請

請恩老住蔣山疏

陝府鐵牛脚力負萬鈞之重石霜角虎眼  
光搖百步之威欲轉無上法輪須還本分



光搖百步之威欲轉無上法輪須還本分  
尊宿恩公長老一生打硬四海知名楊歧  
栗棘蓬當仁不讓國師無縫塔此義却諳  
截斷衆流壁立千仞乃眷鍾山之勝地實  
繫園悟之昔游俗駕初回潮音未振考之  
公論僉欲師來拗折竹箠且與逢場作戲  
橫擔拄杖直須覲面相呈稽首妙華王請  
祝聖人壽

請三祖長老疏

陝府鐵牛脚力負萬鈞之重石霜角虎眼  
光搖百步之威須全提向上之機關始克



振作家之號令厥惟勝地今得偉人其人  
斤斧叢林鑪錘古佛金剛王之寶劍截斷  
衆流秘魔巖之木叉宏持末法諸公刮目  
學者傾心瞻三祖之道場在羣舒之佳處  
吳陂瀉碧龜魚樂得於主人瀟嶽摩霄龍  
象將依於法席用勤勸請實冀肯臨飛錫  
度江豈獨尉西州之父老傳衣此地庶不  
辜後代之兒孫願聞法鼓之鳴要看草賊  
之賊

請亮老住報恩疏



佛法見前惟嫌揀擇衲僧分上便合承當  
亮公長老徧歷叢林婁開法席一莖草化  
成寶刹夙具神通三條篋緊束肚皮最諳  
枯淡惟報恩之勝處崇永祐之真游不有  
當仁孰嚴上善三十年事鹽醅要還舊日  
家風二千里賣布單且看新人作略

請舜老住浮山疏

三千大千揔是無邊佛刹一箇半箇難得  
本分道人但看直下承當且教逢場作戲  
舜公長老入華嚴海得解脫門牢絆草鞋



飽參知識撒開布袋歷勘諸方留須水以  
彌時會浮山之虛席殷勤婁請珍重此行  
菩薩子喫飯來且與鐘魚作主好阿師恁  
麼去要令龍象依仁二千里外不得嫌人  
三十年後切忌錯舉

請鑑老住潭州東明崇教寺疏

浮休居士昔守此邦東明觀音初出廢井  
神光煥發寶刹崇成檀施滿門曾安五百  
衆荆榛塞路將欲四十年會茲淫雨之蓄  
缺我有秋之望肅齋致禱響答不違香火



缺我有秋之望肅齋致禱御音答不違香火

未收陰雲解駁吏民絕嘆豈有前聞僚案  
僉謀當嚴報禮主僧老聵破屋歌傾冥搜  
當仁喜得此老伏惟鑑公禪師支撐末法  
領袖諸方盤結草庵曾到孤峰頂上撒開  
布袋何妨十字路頭况惟今是老人乃是  
吾家請主爲公着力何患不成惟佛有緣  
所當外護撞鐘打鼓今朝震動於三湘刻  
石鑄金異日流傳於四海

請無著任資壽就報恩開堂疏

明月堂中昔分半坐采蓮涇上今建刹竿



不憂此道之無傳賴有斯人之足慰人天  
合雜山水清明資壽無著禪師具大摠持  
證不思議洗滌諸方五味吞揚岐之栗棘  
蓬降伏一切羣魔用妙喜之竹筴子獨會  
先師之意草爲後學之宗四海無人千聖  
推出伏願慈悲攝受方便舉揚以心傳心  
山頭老漢元不死惟佛與佛汝等諸人皆  
可爲敬焚一瓣之香增祝 兩宮之壽



于湖居士文集卷第二十六

釋語

請龍牙長老疏

虎谿寺裏曾聞嘯月吟風龍牙山中更看  
 拏雲攫霧當仁不讓易地皆然混融禪師  
 具足神通網維象法一絲不掛無人無我  
 無衆生萬境皆融能縱能奪能殺活歷徧  
 東州之名刹未登南嶽之曾顛偶尋上水  
 之舡肯振飛空之錫三千世界不妨到處  
 嬉游七十二峯政要從頭點檢

于湖居士文集卷第二十六



請北禪長老疏

妙喜既亡，北庵復往，國師無縫之塔，弟子  
誰諳。楊岐金剛之圈，諸方不會。必有嫡傳  
之嗣，來興已墜之宗。珠公長老，法冶祥金  
禪林，偉幹摘神龍之頷，獨收無價之珍。生  
老蚌之胎，真是寧馨之子。頃由臨汝徑隱  
康廬，遇坎乘流，聊當適意。逢場作戲，况是  
知音。我為東道主人，君作北禪長老。彈千  
相之雀，莫輕上妙摩尼。照十乘之車，遂遍  
無邊刹海。



請新首座住福嚴疏

十字街頭彌勤撒開布袋孤峯頂上德山  
盤結草庵况茲古佛道場祇是吾家舊物  
不要客僧作主須煩首坐燒香新公長老  
性悟真詮腳踏實地泊舡淺水久矣淹留  
韞玉空山自然光彩疇昔因緣已定如今  
時節到來便將舊店新開切忌衆生作例  
好阿師恁麼去何妨覲面相呈菩薩子喫  
飯來却是無法可談宜從衆請用報國恩  
殊公住嶽麓惠光寺疏



湘西佳景嶽麓精藍方丈久虛其人史君  
今有此客殊公長老面如蒲月額有圓珠  
枯木堂中隨粥飯緣坐處不落第二臺山  
路口有多少衆問時便契前三君如洗脚  
上舡我是因風吹火不起于坐只今直入  
道場偶爾成文領取見成公案

請珠老住公安二聖疏

一切衆生各具自然之眼十方諸佛初無人  
爾之心至於舉拂拈槌嘲風笑雨豈云妙法  
無法大是指空說空然業識與生而俱迷或



真行至死而不悟不有開士曷暢真乘珠公  
禪師傳臨濟真宗授卮庵密印庭前栢子何  
曾仗境分踈石上蓮花到處爲人說似眷菩  
薩應真之化境乃安公著迹之精藍大開選  
佛之名場思得住山之本色孤峯頂上要觀  
出世因緣十字街頭莫惜隨時演唱見幾而  
作快便難逢願垂惻隱之慈俯徇殷勤之請

烏江廟門疏

繡裳畫袂方瞻王制之嚴寶字璇題游被  
天恩之渥仰威靈之肅振惟輪奐之未新



宜崇朱戶之居益壯烏江之望憑高配極  
會看妙絕之宮墻吉日良時即下鏘鳴之  
玉珥

蕪湖修浮橋疏

萬家之邑百賈所趨一溪之橋累歲不葺  
繫破舡之六七當駭浪之千尋溺馬殺人  
習爲常事饒蛟羈鬼實使甘心所願因民  
病涉之憂遂爲此邦無窮之利入谷斬木  
造舟爲梁不日成之吾事濟矣但度無苦  
會看百步之修欄得福甚多共脫三塗之



苦海

代揔得居士東明施財疏語

夜夜放光傍人不見時時得夢獨我自知  
共惟浮休先生今者揔得居士過去見在  
事同一家原始要終業通三世欲纂昔賢  
之墜緒重嚴大士之寶坊答一時救護之  
恩崇此邦祈禳之福若男若女咸歸生育  
之仁曰雨曰暘婁報豐登之瑞  
病愈答願供佛道場疏

六道三塗無非厲虐十方諸佛普示救援



載軫幻軀夙依真諦屬有負薪之疾願薦  
伊蒲之羞精神所加昭應如答未修報禮  
每惕初心驚半夜之鐘常交於夢寐求三  
年之艾又爽於節宣用敬復於前言以導  
迎於新社伏願徧周沙界悉坐道場聞秘  
密言而除貪嗔癡受甘露味而得戒定惠  
使衆生業障因法施而蠲除則弟子沉痾  
當不藥而清愈懃稽首阿難教爲我大醫王

南山昭慶觀音障坐偈

南山昭慶白衣觀音作始何人如此相好



地僻寺古僧無卓錫空堂巋然徒四壁立  
香火已絕而况莊嚴稽首大士本來無住  
一絲不掛清淨法身况此塵垢而可汙染  
但此末法冥頑不靈不知即心是觀世音  
來瞻慈相乃起恭敬則此慈相不可不尊  
合掌贊歎諸善男子各捐薄少隨喜護持  
俾道人素作高廣坐及其屏障飾以金碧  
前列供具熏爐華燈紙十萬錢具足圓滿  
諸善男子一彈指頃而此殊勝億劫常住

吉祥寺經藏疏



五千四十八卷尊經藏之金匱百萬億那  
由他諸佛同此道場常轉法輪乃安斯室  
齋厨不繼可憐野寺之殘僧斤築隆施須  
煩寶積之長者肯捨太倉之一粒便成廣  
廈之千間莊嚴不思議功德山安住無邊  
際華嚴海

爲第二妹設水陸疏右語

諸佛等慈廣有救援之路衆生諸惱莫如  
疾病之侵俯惟同氣之微偶愆勿藥之喜  
方輸危悃即底秦和曉然夢寐之間示之



盼嚮之報用亟修於淨供庶祇荅於能仁  
萬劫狴牢冀脫幽沉之苦大千川陸悉蘄  
悲樂之均更裒佛力之無邊益侈家庭之  
後福

宗琰作永寧寺鐘成欲作鐘樓記  
講師求予開疏信筆書此數語以  
勸施

稽首我導師方便度一切衆生執若故不  
見本來性以是勸布施捐頭目髓腦身命  
尚可捨而况於財物今此大寶鐘辛苦所



成就無量佛聲海四海所願聞以無鐘麩  
故猶與無鐘等我觀此都邑衆寶之所聚  
而彼富長者皆受佛記剎佛欲警拔故故  
令作此鐘欲勸布施故復作大寶麩不思  
議功德在汝一念頃我爲汝說偈發汝喜  
捨心圓滿清淨業證無上菩提此鐘橫撞  
時汝等皆作佛

方廣元公刺血寫經偈

稽首如是經萬行首楞嚴覺元古尊者刺  
血之所寫尊者住世時寫經百千卷以字



以畫計數與河沙等自其一畫初以至絕  
筆時念念相接續無一不同處翻覆風水  
輪劫火大千壞此心未嘗動此筆亦不停  
尊者今寂滅誰識寫經意我爲汝演說尊  
者所記劫衆生與諸佛同出一父母我血  
佛身血初無差別相佛從此血中放百寶  
光明如月貯瑠璃根塵悉清淨而我矢溺  
囊囊溷雜諸濁惡業欲自纏繞頃刻即腐敗  
尊者爲是故哀憫於一切故以我之血書  
佛所說經令汝愚癡人頓見本來性佛經



與我血還復成一體經盡血亦盡佛與我  
俱無尊者下生時汝等成正覺

摠得居士命作為平國弟度僧疏  
駒犢之愛已荷於等慈龍象之依嘗深於  
夙願顧年齡之尚幼恐歲月之或淹惟慧  
海師實平時之知舊而優婆塞自有生而  
薰脩度已度人是同是別伏願諸佛護念  
大衆證明俾此善男子速證於菩提則我  
長頭兒同增於福壽

追薦六二小娘子水陸疏代摠得



人誰無死獨抱難言之寃佛是真歸冀垂  
善救之力亡女六二娘怨親融釋體性圓  
明知住壞之俱空忘生平之不滿徑超十  
地永脫三塗及兩孤兒獲無量福

重修三塔偈

七澤所瀦十年九潦三塔雖在四壁常空  
仰衆佛之尤竒念殘僧之益少化身千百  
億莫非爲物慈悲彈指一刹那孰肯隨緣  
布施爾時居士復說偈言

寶塔元不壞因汝有壞時但使塔重成汝



得不壞果

妙定化僧偈

行者要作僧妙定欲說偈因緣啐啄時見  
者須撒地圓頂更方袍諸法從此起誰具  
大神通成就一彈指

出隊疏

此大蘭若蓋古道場野寺殘僧齋厨不繼  
震風凌雨棟桷隨歆惟世尊住華嚴界海  
到處見成觀佛法付有力檀那不應坐視  
宜分薄少來相經營



靈巖行者化僧偈

咸安郡王功德主智積菩薩大道場有善  
男子名德柔欲爲大僧無度牒我今說偈  
爲勸請願見聞者皆樂施此善男子得度  
已俱證無上菩提果

蔣山明老贊

衡陽梅嶺被本師打得紫角喙鐘阜長蘆上  
法座叫得地動晚年雙徑却遇知音因喫  
乳糖過多併將漆桶打破賀賀識渠麼十  
字街頭每相逢百尺竿頭還蹉過



天禧行者廣如化僧偈

法華十萬餘言度牒三百來貫更著居士  
疏頭共是三重公案若要作一串穿自問  
山頭老漢

正庵贊

氣骨清羸抱負雄偉江西湖南掀天撲地  
生子當如孫仲謀景升諸郎豚犬耳

行者求僧偈

結萬人緣度一箇僧求我談偈拾似不曾

元布袋真贊三首



劫火洞然大千俱壞留得拳頭千妖百怪  
三十年後此話行依舊當時元布袋

細入微塵大周沙界與古爲徒無乎不在  
催教彌勒下天宮卻送胡孫入布袋

劫數茫茫眈此身夢中相見覺非真常時  
只笑憨皮袋十字街頭等箇人

乾明舜老度弟子求疏

學道參禪不必僧祖師元是嶺南能若無  
向上真消息鬚髮除來只可憎

出家須要護身符錢在檀門不可呼乞與



青銅三十萬大葫蘆結小葫蘆

應庵老偈二首

應庵老子六十我已新添一年欲話元正  
啓祚山僧約我茶邊

涉世須三洗骨憂時定九回腸借我昭亭  
一榻伴師掃地添香

于湖居士文集卷第二十六



開化圖書館

Kaichua library



開化圖書館

Kaishua library





開化圖書館


Wakuhwa Library



開化圖書館

Kaishwa Library





于湖居士文集


四

開化圖書館  
Kawakita Library



開化圖書

Kathua Library



**TIFFEN** Color Control Patches

© The Tiffen Company, 2007

Blue      Cyan      Green      Yellow      Red      Magenta      White      3/Color